

珠池考略（杜臻）

珠池旧志称珠母海中，相传有七曰：青婴、断望、杨梅、乌泥、白沙、平江、海渚，俱在冠头岭外大海中，上下相去约 183 里。前巡抚陈大科曰白沙、海渚二池地图不载，止杨梅等五池。又有对乐一池在雷州，共六池，余访之土人，杨梅池在白龙城之正南，少西即青婴池；平江池在珠场寨前；乌泥池在冠头岭外；断望在永安所。珠出平江者为佳，乌泥为下。不知所谓白沙、海渚二池也。

旧志有珠场守池巡司及乌兔、凌禄等十七寨，而不著其所自始，白龙亦不载于城池条。

汉文帝时，桂阳太守文苍献大珠，诏却之。孙权黄武改为珠官郡，始有官领采办之事。

天顺四年，内监谭纪奏廉州知府李逊纵所部民窃珠，下逊诏狱。

万历间，珠船树内臣旗帜，横行村落，鸡犬靡遗，至有奸污妇女者，已乃扬帆去。